

- o) ubijanje, hvatanje i gonjenje ptica i životinja koje žive na zelenim i vodenim površinama parkova;
- p) uvođenje pasa i drugih kućnih ljubimaca na dječija igrališta;
- r) izlaganje knjiga, pokućstva, rabljenih i drugih stvari;
- s) devastacija zelenih površina na saniranim klizištima na gradskom građevinskom zemljištu;
- t) pranje vozila, čilima i dr. na i oko zelenih površina;
- u) obavljanje drugih radnji koje oštećuju ili uništavaju javne zelene i rekreativne površine.

Član 25.

(Naknada štete na javnim zelenim i rekreativnim površinama)

- (1) Sve štete koje nastanu od strane pravnih ili fizičkih lica na javnim zelenim i rekreativnim površinama, dužni su nadoknaditi oni koji su je i prouzrokovali.
- (2) Visinu naknade štete, shodno hortikulturnim, biološkim i estetskim vrijednostima zelene površine, te štete na uređajima, spravama, rekvizitima, mobilijarima i inventaru, odredit će stručna komisija imenovana od strane nadležnog komunalnog preduzeća, a koju čine predstavnici komunalnog preduzeća koji istu održava i predstavnik vlasnika, odnosno općine na čijem se području nalazi površina na kojoj je pričinjena šteta.

Odjeljak B. Nadzor

Član 26.

(Nadzor)

- (1) Nadzor nad provođenjem ove uredbe vrši ministarstvo nadležno za komunalne poslove.
- (2) Inspeksijski nadzor nad provođenjem ove uredbe vrši nadležna kantonalna inspekcija, nadležna gradska inspekcija i nadležna općinska inspekcija.

DIO PETI - KAZNENE ODREDBE

Član 27.

(Novčana kazna za nadležno komunalno preduzeće)

- (1) Novčanom kaznom u iznosu od 2.000,00 KM do 5.000,00 KM kaznit će se preduzeće nadležno za održavanje javnih zelenih površina, ako se ne bude pridržavalo odredbi člana 3. i člana 13. stav (2) ove uredbe.
- (2) Za prekršaje iz stava (1) ovog člana, kaznit će se odgovorno lice u preduzeću nadležnom za održavanje javnih zelenih površina novčanom kaznom od 200,00 KM do 500,00 KM.

Član 28.

(Novčana kazna za pravna i fizička lica)

- (1) Novčanom kaznom od 3.000,00 KM do 6.000,00 KM kaznit će se za prekršaj pravno lice koji koristi dječija i sportska igrališta suprotno članu 11. ove uredbe.
- (2) Za prekršaje iz stava (1) ovog člana, kaznit će se odgovorno lice u pravnom licu novčanom kaznom od 400,00 KM do 700,00 KM.
- (3) Novčanom kaznom od 500,00 KM do 1.500,00 KM kaznit će se za prekršaj fizičko lice koji koristi dječija i sportska igrališta suprotno članu 11. ove uredbe.
- (4) Novčanom kaznom u iznosu od 2.500,00 KM do 5.000,00 KM kaznit će se za prekršaj pravno lice ako učini koju od zabranjenih radnji iz člana 24. ove uredbe.
- (5) Za prekršaje iz stava (4) ovog člana, kaznit će se odgovorno lice u pravnom licu novčanom kaznom od 500,00 KM do 1.000,00 KM.
- (6) Novčanom kaznom od 200,00 KM do 700,00 KM kaznit će se za prekršaj fizičko lice ako učini koju od zabranjenih radnji iz člana 24. ove uredbe.

Član 29.

(Primjena drugih kaznenih odredbi)

Za prekršaje učinjene na zelenim i rekreativnim površinama, koji nisu predviđeni ovom uredbom, primjenjivat će se kaznene odredbe predviđene Zakonom o komunalnim djelatnostima.

DIO ŠESTI - PRELAZNE I ZAVRŠNE ODREDBE

Član 30.

(Prestanak važenja Odluke)

Danom stupanja na snagu ove uredbe prestaje da važi Odluka o održavanju zelenih i rekreacionih površina ("Službene novine grada Sarajeva", br. 6/87, 24/88, 13/90, 14/91 i 3/95).

Član 31.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-17436-22/16

19. maja 2016. godine

Sarajevo

Premijer

Elmedin Konaković, s. r.

Na osnovu člana 26. i 28. stav 1. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 4. stav (20) i člana 50. Zakona o komunalnim djelatnostima ("Službene novine Kantona Sarajevo", broj 14/16), Vlada Kantona Sarajevo, na 42. sjednici održanoj 19.05.2016. godine, donijela je

UREDBU

O ODRŽAVANJU JAVNE RASVJETE

POGLAVLJE I - OPĆE ODREDBE

Član 1.

(Predmet Uredbe)

Ovom uredbom uređuju se postupak izdavanja saglasnosti za izgradnju i rekonstrukciju javne rasvjete, postupak priključenja na sistem javne rasvjete, održavanje sistema javne rasvjete na području Kantona Sarajevo, upravljanje sistemom javne rasvjete, uslovi za priključenje novoizgrađene rasvjete u sistem javne rasvjete, korištenje sistema javne rasvjete za druge namjene, nezakonito korištenje sistema javne rasvjete, postupanje kod neovlaštenog korištenja sistema javne rasvjete i zabvata na sistemu javne rasvjete, obezbjeđenje sredstava za održavanje sistema javne rasvjete, šteta, naknada štete i nadzor nad sistemom javne rasvjete.

Član 2.

(Definicija pojedinih izraza)

(1) Izrazi koji se koriste u ovoj uredbi imaju slijedeće značenje:

- a) **sistem javne rasvjete** - komunalna infrastruktura svakog naseljenog područja kojom se osigurava rasvjetljavanje javnih površina (ceste i ulice, mostovi i potputnjaci, pješački prelazi, pješački podhodnici, pješačke zone, šetališta i pješačke staze, parkovske staze i parkinzi),
- b) **područje naseljenosti** - područje naseljenosti kako je određeno posebnim propisom iz područja prostornog uređenja,
- c) **infrastruktura javne rasvjete** - sklop elektrouredaja i kablova kojima se jedan ili više rasvjetnih tijela povezuje i priključuje na elektrodistributivnu mrežu,
- d) **ovlašteno pravno lice za održavanje sistema javne rasvjete** - pravno lice koje na osnovu ugovora sa nadležnim Ministarstvom, obavlja poslove utvrđene ovom uredbom,
- e) **rasvjetno tijelo (svjetiljka)** - električna naprava sa ugrađenim izvorom svjetlosti, a namijenjena je usmjeravanju, filtriranju ili prijenosu svjetla. Pod svjetiljkom se podrazumijevaju i svjetlovođi (optička vlakna) i svi drugi neelektrični uređaji koji svojom uporabom stvaraju, filtriraju ili prenose svjetlo, a može se sastojati od kućišta (sjenila), držača, ogledala, refrakcijske ili difuzne leće (sjenilo),
- f) **sjalica/zarulja** - dio svjetiljke koji električnu energiju pretvara u svjetlost (izvor svjetlosti),

- g) **stub javne rasvjete** - drveni, betonski ili metalni stub koji se koristi za montažu rasvjetnog tijela u neposrednoj blizini površine koja se osvjetljava,
- h) **suglasnost na sistem javne rasvjete** - akt kojim se daje saglasnost na projektovano tehničko rješenje i priključenja na sistem javne rasvjete,
- i) **odobrenje za priključenje kablovskih operatera na stubove javne rasvjete** - akt kojim se daje saglasnost za korištenje stubova javne rasvjete za postavljanje instalacija kablovskih operatera,
- j) **zapisnik o priključenju na sistem javne rasvjete** - dokument kojim Ministarstvo nadležno za komunalne poslove Kantona Sarajevo (u daljem tekstu: Ministarstvo) preuzima dalje upravljanje nad sistemom javne rasvjete.
- k) **mjerilo utroška električne energije** - uređaj kojim se registrira količina isporučene električne energije na obračunskom mjernom mjestu, u skladu sa propisima o mjeriteljstvu i tehničkim pravilima u elektrodistributivnoj djelatnosti,
- l) **razvodni ormar javne rasvjete** - ormar sa elektrouređajima i kablovima za napajanje, razvod i upravljanje infrastrukturom i rasvjetnim tijelima javne rasvjete, te mjerilom utroška električne energije i ostalom opremom obračunskog mjernog mjesta,
- m) **obračunsko mjesto** - mjesto na kojem se pomoću mjerila obavlja mjerenje isporučene električne energije radi obračuna,
- n) **obračunski period** - period na koji se odnosi obračun stvarno preuzete/predane električne energije između dva očitavanja,
- o) **poremećaj** - događaj ili pojava koja može uzrokovati prekid u rasvjetljavanju,
- p) **havarijski poremećaj** - pojava koja uzrokuje prekid u rasvjetljavanju i svojim posljedicama ugrožava sigurnost i život građana, njihovih dobara, te sigurnost javnih dobara i objekata,
- r) **predhavarijski poremećaj** - pojava koja svojim karakteristikama može dovesti do havarijskog poremećaja,
- s) **plan programiranja uključenja/sključenja javne rasvjete** - pisani dokument koji za tekuću godinu donosi Ministarstvo i na osnovu kojeg se programira vrijeme uključenja i isključenja sistema javne rasvjete u toku svih dana u tekućoj kalendarskoj godini,
- t) **regulacija osvijetljenosti** - daljinsko upravljanje nivoom rasvjetljenosti javne rasvjete u vrijednosti do 40% u noćnom periodu,
- u) **noćni period** - dio 24-satnog dnevnog ciklusa tokom kojega prirodno svjetlo uzrokuje rasvjetljenost horizontalnih površina manju od 10 lx (luks),
- v) **dekorativna rasvjeta** - rasvjeta kojom se za vrijeme praznika i drugim sličnim prilikama ukrašavaju dijelovi Kantona,
- z) **akcentna rasvjeta** - osvjetljavanje spomenika, kulturnih, sakralnih i drugih objekata značajnih za Kanton,
- aa) **saobraćajni znak** - znak kojim se upotrebom grafičkih ili svjetlosnih ili brojevnih ili slovnih oznaka ili drugih simbola, učesnici u saobraćaju upozoravaju na opasnosti na putu, stavljaju im se do znanja ograničenje, zabrane i obaveze, odnosno daju obavještenja potrebna za bezbjedno kretanje po putu,
- bb) **turistička i ostala signalizacija** - signalizacija namijenjena obavještenju učesnika u saobraćaju o kulturnim, historijskim, prirodnim i turističkim znamenitostima, te ostalim objektima i sadržajima,
- cc) **reklamni pano** - konstrukcija pričvršćena na stub javne rasvjete, čija je svrha reklamiranje raznih vrsta proizvoda i usluga,
- dd) **investitor** - pravno lice koje vrši izgradnju nove javne rasvjete ili rekonstrukciju ili sanaciju javne rasvjete.

POGLAVLJE II - SAGLASNOST ZA IZGRADNJU, REKONSTRUKCIJU I PRIKLJUČENJE NA SISTEM JAVNE RASVJETE I ODOBRENJE ZA IZMJEŠTANJE ELEMENATA SISTEMA JAVNE RASVJETE

Član 3.

(Saglasnost za izgradnju i rekonstrukciju sistema javne rasvjete)

- (1) **Saglasnost na sistem javne rasvjete** izdaje Ministarstvo na osnovu pravilnika kojim se propisuju tehničke karakteristike sistema javne rasvjete i standarda rasvijetljenosti.
- (2) **Zahtjev za saglasnost na sistem javne rasvjete** u procesu izgradnje i rekonstrukcije sistema javne rasvjete podnosi investitor u toku pribavljanja potrebne dokumentacije u skladu sa propisima iz područja gradnje. Saglasnost na sistem javne rasvjete se izdaje u formi rješenja u postupku izdavanja odobrenja za gradnje.

Član 4.

(Priključenje na sistem javne rasvjete)

- (1) Prijem i priključenje novoizgrađene ili rekonstruisane javne rasvjete u sistem javne rasvjete na području Kantona Sarajevo, odobrava nadležno Ministarstvo.
- (2) Zahtjev za prijem u sistem javne rasvjete podnosi investitor.
- (3) Zahtjev za prijem i priključenje u sistem javne rasvjete sadrži: saglasnost na sistem javne rasvjete, upotrebnu dozvolu i tehničke podatke o novoizgrađenoj ili rekonstruisanoj javnoj rasvjeti u propisanom formatu.
- (4) Ministarstvo pregledom dostavljene dokumentacije, te izlaskom na teren, utvrđuje da je javna rasvjeta izgrađena u skladu sa **saglasnošću na sistem javne rasvjete** iz člana 3., stav 2. i donosi Rješenje kojim se daje **odobrenje za prijem i priključenje u sistem javne rasvjete**.
- (5) U slučaju da javna rasvjeta nije izgrađena u skladu sa saglasnošću na sistem javne rasvjete, Ministarstvo će pismenim putem obavijestiti investitora o neusklađenosti i utvrditi rok u kome će zatražiti od investitora da otkloni utvrđene nedostatke.
- (6) Rješenjem kojim se daje saglasnost za prijem i priključenje u sistem javne rasvjete Ministarstvo preuzima dalje upravljanje nad izgrađenom javnom rasvjetom.

Član 5.

(Odobrenje za izmještanje elemenata sistema javne rasvjete)

- (1) Odobrenje za izmještanje elemenata sistema javne rasvjete osim u slučajevima navedenim u stavu (2) ovog člana donosi Ministarstvo na osnovu podnesenih pismenih zahtjeva od strane fizičkih i pravnih lica. Odobrenje se donosi na osnovu terenskog obilaska i stručnog mišljenja ovlaštenog tehničkog lica, a izmještanje vrše pravna lica ovlaštena za održavanje sistema javne rasvjete. Troškovi izmještanja elemenata javne rasvjete padaju na teret Budžeta Kantona Sarajevo.
- (2) Odobrenje za privremeno ili trajno izmještanje dijela javne rasvjete za potrebe izgradnje, rekonstrukcije ili sanacije građevinskih objekata ili saobraćajnica, donosi Ministarstvo na osnovu podnesenih pismenih zahtjeva od strane fizičkih i pravnih lica. Odobrenje se donosi na osnovu terenskog obilaska i stručnog mišljenja ovlaštenog tehničkog lica, a izmještanje vrše pravna lica ovlaštena za održavanje sistema javne rasvjete. Troškove izmještanja snosi podnosilac zahtjeva.
- (3) Odobrenja iz st. (1) i (2) donose se u formi rješenja.

POGLAVLJE III - UPRAVLJANJE I ODRŽAVANJE SISTEMOM JAVNE RASVJETE

Član 6.

(Organizacija upravljanja sistemom javne rasvjete)

- (1) Upravljanje sistemom javne rasvjete spada u nadležnost Ministarstva.
- (2) Ministarstvo upravlja sistemom javne rasvjete na slijedeći način:

- a) priprema smjernice za razvoj i unaprijeđenje sistema javne rasvjete,
- b) prati radove na redovnom održavanju sistema javne rasvjete,
- c) vrši redovni obilazak Kantona Sarajevo i pregled ispravnosti javne rasvjete,
- d) prima pozive o uočenim kvarovima na sistemu javne rasvjete,
- e) priprema dokumentaciju za nove ugovore o održavanju,
- f) pregleda račune za održavanje sistema javne rasvjete i utrošenu električnu energiju,
- g) pregleda tehničku dokumentaciju potrebnu za izdavanje saglasnosti za priključenje i izmještanje javne rasvjete,
- h) ažurira elektronsku bazu podataka (obitježavanje, katastarsko snimanje, evidentiranje i dr.),
- i) koordinira sa Kantonalnim pravobranilaštvom kod naplate šteta na sistemu javne rasvjete.

Član 7.

(Planiranje i praćenje sistema javne rasvjete)

- (1) Jedinice lokalne samouprave dostavljaju Ministarstvu godišnje planove izgradnje, rekonstrukcije i sanacije sistema javne rasvjete.
- (2) Ministarstvo na osnovu dostavljenih planova koji sadrže popis lokacija, približno angažovanu snagu (kVA), vrstu i period izvođenja radova, planira finansijska sredstva za upravljanje sistemom javne rasvjete uključujući i troškove za električnu energiju.
- (3) Planove izgradnje, rekonstrukcije i sanacije sistema javne rasvjete lokalne samouprave su dužne dostaviti do 30.11. tekuće godine za narednu godinu.

Član 8.

(Priključenje novog mjernog mjesta, mjerenje, obračun i plaćanje utroška električne energije za sistem javne rasvjete)

- (1) Priključenje novog mjernog mjesta sistema javne rasvjete na elektrodistributivnu mrežu vrši se u skladu sa propisima u elektrodistributivnoj djelatnosti i općim uslovima o isporuci električne energije. Za isporuke električne energije snabdjevač i Ministarstvo zaključuju ugovor.
- (2) Mjerenje utroška električne energije se vrši na mjesečnom nivou od strane snabdjevača električnom energijom. Plaćanje troškova električne energije za sistem javne rasvjete Kantona Sarajevo na osnovu uspostavljenih računa po mjernim mjestima snabdjevača vrši se iz Budžeta Kantona Sarajevo.
- (3) Održavanje mjernog mjesta je u nadležnosti snabdjevača električnom energijom.

Član 9.

(Finansijska sredstva za održavanje sistema javne rasvjete)

- (1) Sredstva za održavanje sistema javne rasvjete, obezbjeđuju se iz Budžeta Kantona Sarajevo.
- (2) Ministarstvo je dužno da za svaki mjesec sačini plan finansijskih sredstava za održavanje sistema javne rasvjete u skladu sa odobrenim budžetskim sredstvima, te da vrši praćenje utroška planiranih sredstava.
- (3) Vlastiti prihodi sistema javne rasvjete se koriste za programe poboljšanja na sistemu javne rasvjete.
- (4) Ministarstvo je dužno da do 31.03. svake godine za proteklu godinu, dostavi godišnji izvještaj Vladi Kantona Sarajevo o funkcionisanju sistema javne rasvjete.

Član 10.

(Održavanje sistema javne rasvjete)

- (1) Održavanje sistema javne rasvjete je dio upravljanja sistemom javne rasvjete i u nadležnosti je Ministarstva.
- (2) Poslove održavanja sistema javne rasvjete Ministarstvo može dodijeliti kantonálnom javnom komunalnom preduzeću ili privrednom društvu (u daljem tekstu: Izvođač), koje ispunjava zakonom predviđene uslove za obavljanje komunalne djelatnosti.

- (3) Održavanje sistema javne rasvjete između Izvođača i Ministarstva reguliše se ugovorom.

POGLAVLJE IV - KORIŠTENJE SISTEMA JAVNE RASVJETE ZA DRUGE POTREBE

Član 11.

(Korištenje sistema javne rasvjete za druge potrebe)

- (1) Stubovi javne rasvjete uz odobrenje se mogu koristiti za postavljanje instalacija kablovskih operatera, saobraćajnih, signalizacijskih, turističkih i ostalih signalizacija, reklamnih panoa, dekorativne rasvjete i akcentne rasvjete.
- (2) Odobrenje za korištenje stubova javne rasvjete u pomenute svrhe iz stava (1) ovog člana izdaje Ministarstvo u formi rješenja.
- (3) Stubovi javne rasvjete u vlasništvu Kantona Sarajevo, kao i stubovi u vlasništvu distributera električne energije mogu se koristiti obostrano za potrebe javne rasvjete i niskonaponske mreže, o čemu će se zaključiti međusobni sporazum između Ministarstva i distributera.
- (4) Stubovi javne rasvjete u vlasništvu Kantona Sarajevo, kao i stubovi kontaktne mreže za javni prevoz mogu se koristiti obostrano za potrebe javne rasvjete i postavljanje kontaktne mreže, o čemu će se zaključiti međusobni sporazum između Ministarstva i organa nadležnog za saobraćaj.

Član 12.

(Zahtjev za postavljanje instalacija kablovskih operatera)

- (1) Zahtjev za odobrenje korištenja stubova javne rasvjete za postavljanje kablovskih instalacija, kablovski operater podnosi Ministarstvu.
- (2) Uz zahtjev kablovski operater treba da dostavi popis lokacija i stubova javne rasvjete na koje želi postaviti kablovske instalacije, te projektnu dokumentaciju u skladu sa pravilnikom koji propisuje tehničke uslove.

Član 13.

(Postavljanje instalacija kablovskih operatera)

- (1) Postavljanje instalacija kablovskih operatera na stubove javne rasvjete, vrši podnosilac zahtjeva u skladu sa odobrenjem Ministarstva.
- (2) Nadzor nad postavljanjem instalacija kablovskih operatera na stubove javne rasvjete, vrši Ministarstvo putem ovlaštenog izvođača za održavanje sistema javne rasvjete.
- (3) Izvođač radova za održavanje sistema javne rasvjete dužan je sva zapažanja o korištenju stubova javne rasvjete od strane kablovskih operatera, mimo propisanih uslova iz odobrenja, dostaviti u pisanom obliku Ministarstvu.
- (4) Ukoliko zbog korištenja stubova javne rasvjete od strane kablovskih operatera dođe do nastanka kvara ili štete na stubovima javne rasvjete, trošak otklanjanja kvara, odnosno štete snose kablovski operateri.

Član 14.

(Regulisanje odnosa Ministarstva i kablovskih operatera)

- (1) Odnos Ministarstva i kablovskih operatera u skladu sa ovom uredbom uređuju se ugovorom.
- (2) Ugovor iz stava (1) ovog člana sadrži:
 - a) podatke o ugovornim stranama,
 - b) predmet ugovora,
 - c) iznos naknade sa rokom i dinamikom uplate,
 - d) odgovornost za štetu i visinu ugovorne kazne za slučaj neizvršenja ili neurednog izvršenja ugovora,
 - e) popis lokacija i stubova,
 - f) prava, obaveze i nadležnosti u pogledu korištenja stubova javne rasvjete,
 - g) rok korištenja stubova javne rasvjete,
 - h) način rješavanja spora,
 - i) ostale međusobne odnose.

Član 15.

(Postavljanje saobraćajnih znakova, signalizacijskih znakova i nadzornih kamera)

- (1) Postavljanje saobraćajnih znakova, signalizacijskih znakova i nadzornih kamera na stubove javne rasvjete, vrši podnosilac zahtjeva u skladu sa odobrenjem Ministarstva.
- (2) Nadležno ministarstvo za oblast saobraćaja, sigurnosti i komunikacija podnosi Ministarstvu zahtjev za postavljanje saobraćajnih znakova, signalizacijskih znakova i nadzornih kamera na stubove javne rasvjete.
- (3) Uz zahtjev je potrebno dostaviti popis lokacija i stubova na kojima se želi postaviti signalizacijski ili saobraćajni znak ili nadzorna kamera, kao i tehničko rješenje načina postavljanja.
- (4) O podnesenom zahtjevu Ministarstvo odlučuje donošenjem rješenja.
- (5) Postavljanje saobraćajnih znakova, signalizacijskih znakova i nadzornih kamera na stubove javne rasvjete odobrava se bez naknade.

Član 16.

(Postavljanje i priključenje dekorativne rasvjete)

- (1) Postavljanje i priključenje dekorativne rasvjete na sistem javne rasvjete vrši se u skladu sa pravilnikom kojim se propisuju tehničke karakteristike sistema javne rasvjete, te Elaboratom o dekorisanju Grada Sarajeva i drugim propisima koji regulišu pitanje dekorativne rasvjete.
- (2) Priključenje na sistem javne rasvjete smije vršiti samo ovlašteno i stručno osposobljeno lice.

Član 17.

(Postavljanje i priključenje akcentne rasvjete)

- (1) Postavljanje akcentne rasvjete na stubovima javne rasvjete i priključenje napajanja sa sistema javne rasvjete, vrši podnosilac zahtjeva u skladu sa odobrenjem Ministarstva.
- (2) Zainteresovano pravno ili fizičko lice podnosi zahtjev Ministarstvu za postavljanje akcentne rasvjete na stubove javne rasvjete i priključenje napajanja sa sistema javne rasvjete.
- (3) Uz zahtjev je potrebno dostaviti naziv, vrstu i lokaciju objekta na koji se želi postaviti akcentna rasvjeta i Glavni projekat elektroinstalacija akcentne rasvjete, koji mora biti usklađen sa pravilnikom kojim se propisuju tehničke karakteristike sistema javne rasvjete.
- (4) O podnesenom zahtjevu Ministarstvo odlučuje donošenjem rješenja.
- (5) Sistem javne rasvjete za postavljanje akcentne rasvjete, može se koristiti samo u slučajevima ukoliko se akcentna rasvjeta koristi za osvjetljavanje objekata koji imaju status kulturno-historijskog i prirodnog nasljedja.
- (6) Prije priključenja, podnosilac zahtjeva je obavezan da dostavi atestnu dokumentaciju kao dokaz o ispravnosti elektroinstalacije akcentne rasvjete.
- (7) Priključenje na sistem na sistem javne rasvjete smije vršiti samo ovlašteno i stručno osposobljeno lice.
- (8) Troškovi korištenja sistema javne rasvjete i održavanja akcentne rasvjete regulišu se ugovorom između Ministarstva i podnosioca zahtjeva.

Član 18.

(Postavljanje turističkih i ostalih signalizacija na stubove javne rasvjete)

- (1) Postavljanje turističkih i ostalih signalizacija na stubove javne rasvjete namijenjene za obavještavanje učesnika u saobraćaju o kulturno-historijskim i prirodnim i turističkim značajnostima, te ostalim objektima i sadržajima, vrši podnosilac zahtjeva u skladu sa odobrenjem Ministarstva.
- (2) Odobrenje za postavljanje turističkih i ostalih signalizacija na stubove javne rasvjete donosi Ministarstvo na osnovu podnesenog zahtjeva i u skladu sa Elaboratom u formi rješenja.
- (3) Zahtjev za odobrenje za postavljanje turističkih i ostalih signalizacija na stubove javne rasvjete treba da sadrži:

- a) ulicu i općinu u kojoj se nalazi stub,
- b) broj stuba,
- c) dokaz o registraciji pravnog lica,
- d) sadržaj, opis i prijedlog dimenzije turističke i ostale signalizacije.

Član 19.

(Postavljanje reklamnih panoa na stubove javne rasvjete)

- (1) Postavljanje reklamnih panoa na stubove javne rasvjete vrši se u skladu sa pravilnikom koji propisuje korištenje stubova javne rasvjete za postavljanje reklamnih panoa.
- (2) Troškovi korištenja stubova javne rasvjete za postavljanje reklamnih panoa, regulišu se ugovorom između Ministarstva i podnosioca zahtjeva.

Član 20.

(Naknade za korištenje stubova javne rasvjete)

Naknade za korištenje stubova javne rasvjete utvrđuje Vlada Kantona Sarajeva na prijedlog Ministarstva.

Član 21.

(Rok za rješavanje zahtjeva)

Za rješavanje podnesenih zahtjeva, primjenjuju se rokovi predviđeni odredbama Zakona o upravnom postupku.

Član 22.

(Žalba)

Protiv rješenja Ministarstva koja se donose u skladu sa ovom uredbom može se izjaviti žalba Vladi Kantona Sarajeva u roku od 15 dana od dana prijema rješenja koje se žalbom pobija.

POGLAVLJE V - NEOVLAŠTENI KORIŠTENJE SISTEMA JAVNE RASVJETE

Član 23.

(Zabranjene radnje)

Zabranjuje se postavljanje instalacija kablovskih operatera, saobraćajnih, signalizacijskih, turističkih i ostalih signalizacija, reklamnih panoa, dekorativne rasvjete i akcentne rasvjete bez odobrenja Ministarstva.

POGLAVLJE VI - NAKNADA ŠTETE

Član 24.

(Naknada štete)

Naknadu štete na sistemu javne rasvjete, koja je nastala neovlaštenim radnjama na sistemu javne rasvjete, neovlaštenim priključenjem, saobraćajnim nezgodama, građevinskim radovima ili vandalizmom pravnih i fizičkih lica, snosi počinilac štete.

POGLAVLJE VII - NADZOR

Član 25.

(Nadzor)

- (1) Nadzor nad provođenjem ove uredbe vrši Ministarstvo.
- (2) Inspeksijski nadzor nad provođenjem ove uredbe vrši nadležna kantonalna inspekcija.

POGLAVLJE VIII - KAZNENE ODREDBE

Član 26.

(Novčana kazne)

- (1) Novčanom kaznom u iznosu od 2.000,00 KM do 7.000,00 KM kaznit će se za prekršaj pravno lice koji koristi sistem javne rasvjete suprotno odredbama iz člana 4. stav (1) člana 5., 11., 13. stav (1), člana 15. stav (1), člana 16. stav (1), člana 17. stav (1), člana 18. stav (1), člana 19. stav (1).
- (2) Za prekršaje iz stava (1) ovog člana, kaznit će se odgovorno lice u pravnom licu novčanom kaznom od 1.000,00 KM do 3.000,00 KM.

Član 27.

(Primjena drugih kaznenih odredbi)

Za prekršaje učinjene na sistemu javne rasvjete, koji nisu predviđeni ovom uredbom, primjenjivat će se kaznene odredbe predviđene Zakonom o komunalnim djelatnostima.

POGLAVLJE IX - PRELAZNE I ZAVRŠNE ODREDBE

Član 28.

(Važenje donesenih saglasnosti i zaključenih ugovora)

- (1) Sve saglasnosti i druga odobrenja, kojim se dala mogućnost korištenja sistema javne rasvjete, stavljaju se van snage donošenjem ove uredbe.
- (2) Ugovori zaključeni sa Ministarstvom za korištenje sistema javne rasvjete u neku od svrha predviđenih ovom uredbom ostaju na snazi do momenta važenja ugovora.

Član 29.

(Podnošenje zahtjeva za postavljene turističke i ostale signalizacije)

- (1) Korisnici koji imaju na sistemu javne rasvjete postavljene turističke i ostale signalizacije, dužni su u roku od 30 dana od dana stupanja na snagu ove uredbe podnijeti zahtjev Ministarstvu za odobrenje korištenja sistema javne rasvjete za određenu svrhu.
- (2) Nadležna ministarstva za oblast saobraćaja, sigurnosti i komunikacija, dužna su u roku od 30 dana od dana stupanja na snagu ove uredbe dostaviti Ministarstvu podatke o broju i lokaciji stubova javne rasvjete na kojima su postavljene saobraćajni znakovi signalizacijski znakovi i nadzorne kamere.

Član 30.

(Stupanje na snagu Uredbe)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-17436-23/16

19. maja 2016. godine
Sarajevo

Premijer

Elmedin Konaković, s. r.

Na osnovu čl. 24. stav (2) i čl. 25a. Zakona o dugu, zaduživanju i garancijama u FBiH ("Službene novine Federacije BiH", br. 86/07, 24/09 i 44/10) i čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), Vlada Kantona Sarajevo, na 42. sjednici održanoj 19.05.2016. godine, donijela je

ODLUKU

**O USLOVIMA I PROCEDURAMA EMISIJE
OBVEZNICA KANTONA SARAJEVO**

I

Ovom odlukom uređuju se uslovi, procedure i pravila emisije obveznica Kantona Sarajevo (u daljnjem tekstu: Kanton) koje se emituju radi prikupljanja sredstava za finansiranje budžetskih rashoda.

II

Obveznica Kantona je prenosivi, nematerijalizovani, dužnički, dugoročni vrijednosni papir kojeg emituje Kanton na osnovu koje vlasnici ostvaruju pravo prema Kantonu na naplatu nominalne vrijednosti glavnice i kamate u skladu sa odlukom o emisiji obveznica Kantona koju donosi Vlada Kantona Sarajevo (u daljnjem tekstu: Vlada).

Komisija za vrijednosne papire FBiH odlučuje o zahtjevu Kantona za odobrenje emisije obveznica donosenjem rješenja.

Kanton će pripremiti prospekt emisije u skladu sa čl. 32. i 33. Zakona o tržištu vrijednosnih papira ("Službene novine Federacije BiH", br. 85/08, 109/12 i 86/15).

Aktivnosti emitenta u vezi sa emisijom obveznica Kantona provodi Ministarstvo finansija Kantona Sarajevo (u daljnjem tekstu: Ministarstvo).

Ministarstvo je ovlašteno odabrati banku depozitara i agenta emisije.

Emisija obveznica Kantona vrši se posredstvom aukcijske platforme berzanskog trgovinskog sistema (u daljnjem tekstu: BTS) vrijednosnih papira preko Sarajevske burze/berze d.d. Sarajevo (u daljnjem tekstu: (SASE) ili na drugi način koji odredi Ministarstvo.

III

Emisija obveznica Kantona vrši se prema dinamici, obimu, uslovima i na način utvrđen odlukom o emisiji iz tačke II stav 1. ove odluke.

Obveznice Kantona su vrijednosni papiri koji se emituju u nominalnom iznosu od 1.000,00 konvertibilnih maraka (slovima: jednihiljada), osim ako se odlukom o emisiji iz tačke II stav 1. ove odluke drugačije propiše.

Emisija obveznica Kantona vrši se do iznosa koji utvrdi Vlada odlukom o emisiji iz tačke II stav 1. ove odluke, a u okviru iznosa utvrđenog na odgovarajućoj poziciji u Budžetu Kantona Sarajevo za godinu u kojoj se vrši emisija.

Ministarstvo zaključuje ugovor o obavljanju poslova sa SASE. Registrom vrijednosnih papira u Federaciji Bosne i Hercegovine (u daljnjem tekstu: RVP), bankom depozitarom i agentom emisije.

IV

Učesnici na primarnom tržištu obveznica Kantona mogu biti profesionalni posrednici-članovi SASE (u daljnjem tekstu: podnosioci ponuda).

V

Odluku iz tačke II stav 1. Ministarstvo dostavlja RVP, SASE i agentu emisije 3 (tri) dana prije upućivanja javnog poziva za učešće u emisiji/na aukciji obveznica Federacije (u daljnjem tekstu: javni poziv).

VI

Aukcija obveznica Kantona na primarnom tržištu obavlja se na način i u vrijeme određeno javnim pozivom.

Javni poziv Ministarstvo objavljuje najkasnije 7 (sedam) dana prije dana održavanja aukcije. Javni poziv sadrži detaljne ponude kao što su:

- (1) planirani iznos emisije,
- (2) vrsta vrijednosnog papira,
- (3) uslovi emisije,
- (4) način određivanja prinosa,
- (5) raspored datuma plaćanja kuponske kamate,
- (6) privremeni simbol obveznice Kantona,
- (7) datum emisije i datum dospjeća,
- (8) datum i vrijeme održavanja aukcije,
- (9) datum uplate,
- (10) kupon ili način određivanja kupona,
- (11) kontakt osoba u Ministarstvu.

Javni poziv sadrži i druge informacije za koje Ministarstvo ocijeni da su neophodne za emisiju obveznica Kantona.

Javni poziv se objavljuje na internet-stranici Ministarstva, internet-stranici SASE, internet-stranici agenta emisije i u dnevnim novinama u Federaciji BiH.

Kanton je obavezan u roku od 3 (tri) dana od dana objave javnog poziva Komisiji za vrijednosne papire FBiH dostaviti dokaz da je poziv objavljen.

Ministarstvo zadržava pravo promjene planiranog iznosa emisije.

VII

Ponude za kupovinu obveznica Kantona dostavljaju se putem BTS-a kao kupovni nalozi na način i do vremena određenog u javnom pozivu.

Učesnici mogu unijeti u BTS više kupovnih naloga.